

Formidandorum pariter quoque Teutonicorum.
 Petrus erat vita famosus tunc heremita,
 Non prudens, sed amore tumens laudis capiente,
 5 Se ludens forma tantum virtutis habende,
 Atque vigore carens omni vite reverende,
 Non sumens panem, renuens episumine carnem,
 Vina tamen reliquasve probans non segniter escas.
 Deliciis captus, falso celebs reputatus,

- 10 Seque sciens aure populari conciliare,
 Abbates et pontifices superabat honore,
 Ejus uti sacro dum plebs penderet ab ore,
 Et quod jussisset tamquam legem tenuisset.
 Hic equitum multis peditumque globis sibi junctis
 15 Ex Alamannorum regione novi cupidorum,
 Terram Pannonicam pertransiit, indeque Grecam
 Metropolim petiit u. s. w.

Es folgt 'De pugna Galterii et eversione castri.' 'De
 Gotfrido duce et fraude Alexii imperatoris.' 'De expeditione
 Boimundi et hereticorum conversione'. 'De pugna cum Pin-
 cenatis et Turcis.' 'De adventu Hugonis Magni et principum
 reliquorum in Constantinopolim':

- Hugo valens armis septusque cohortibus almis,
 Viderat egregias Constantinopolis arces
 Comprensus, sed ei nolens quoque, Grecia, parces,
 Dum tutor Gotfridus ibi sit, dux sibi fidus,
 5 Qui consanguineus plane dinoscitur ejus,
 Quique cor illius primus possedit amicus,
 Dum gratum gratis dat uterque decus probitatis.
 Advenere simul Podiensis ab equore presul
 Cum primate tuo, sacer Egidi, Raimundo,
 10 Nortmannus cum gente sua comes arma ferente,
 Flandrensisque comes sua comminus agmina ducens,
 Compar habens eque Rōbertus nomen uterque.
 His de Carnoto comes ille satellite moto
 Se Stephanus jungit, qui post sine vulnere fugit.
 15 Isti primores summi pluresque minores,
 Quos declarari longum foret ac numerari,
 Miliciam Christi bello duxere periti.
 Armis instructi, clipeorum tegmine culti,
 Duris induti loricis, casside tuti,
 20 Crura tegunt ocreis; alii thorace galeris
 Muniti, missas relegant sine clade sagittas.
 Fulmineos enses vibrant hastasque meantes.
 Sic equites; verum pedites cunctive clientes,
 Omni telorum specie septi variorum,
 25 Ac gladiis cincti clipeos pharetrasque gerebant,
 Et terrore suo cernentes afficiebant